

Gvangjsih Minzcuz Bau

Cawjguenj: Gvangjsih Bouxcuengh Swcigh Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报

Aenhauhokbanj: CN45-0036

B.2023

Nd.9 Ng.13

Liggaeuq gveijmaux nienz ndwencaet ngeihgouj

Geizsoq: Gungh daih 3589 geiz

Siz Ginbingz Raiz Saenq Hawj Bouxdaibyauij Lauxsae Maenhndei Daengx Guek Daegbied Gangj Daengz
Hawj Bouxboux Lai Rox Lai Haenh Lai Hengz Gij Cingsaenz Canghgyauyuz
Lai Lai Ok Rengz Guh Hongsaeh Hungmbwk Hwnqguh Guekak Dauqhwngh Minzcuz

Dongxndei Caeuq Hohfuk Lauxsae Caeuq Boux Guh Gyauyuz Daengx Guek Ngoenzciet Ndei

习近平致信全国优秀教师代表强调

大力弘扬教育家精神 为强国建设
民族复兴伟业作出新的更大贡献

向全国广大教师和教育工作者致以节日问候和诚挚祝福

Sinhvazse Baekging 9 nyied 9 hauh dien Aen Codanzvei Boux-daibyauj Lauxsae Maenhndei Daengx Guek 9 nyied 9 hauh youq Baekging hai. Cunghgung Cunghyangh cungj-suhgi, Guekgya cujsiz, Cunghyangh Ginhvej cujsiz Siz Ginbingz raiz saenq hawj gyoengq daibyauj lauxsae gwnzhoih, youq mwh yaek daengz daih samcib gouj aen ciet lauxsae, daibyauj Dangcunghyangh, dongxndei caeuq hohfuk lauxsae caeuq bouxhong gyauyuz daengx guek ngoenzciet ndei.

Siz Ginbingz youq ndaw saenq naeuz, haujlai nanz doxdaeuj, gyoengq lauxsae daengx guek aeu sou guh

daibyauj de nyinhcaen gvancez diuz gyauyuz fuengcim Dangj raeuz, son saw gyauq vunz, gung goek ganq rag, gungganq daih dam daih bouxcauhguh caeuq bouxciepswnj sevei cuji dwz ci dij mej lauz yienghyiengh fatmaj ndei, ganq baenz le daih buek vunzcaiz daeuz mizyungh daih lai, dawz hwnj rapnaek, vih guekgya hwnghat, minzcuz hwnghoengh ok le goengrengh youqgaenj. Gyoengqvunz lauxsae ndawde bauq(nyoenx) ok buek canghgyauyuz caeuq lauxsae maenhndei, gyoengqde miz gij lijsienj saenqniemh sim gyaez vunz lai, it hoz bauq guek, miz gij daudwz cingzcauh

gangjah baenz buengjiyiengh bouxdoegsaw guhsaeh baenz buengjiyiengh vunz ciuhneix, miz gij dungxcaiz ganqvunz hawj vunz lai raez lai gvai, ciuq vunz bae son bae gyauq, miz aen sim caenndang guhsaeh cix gaenxguh saedguh, ra gvilwd rox cauhoq, miz aen simgyaez maij son'gyauq gyaez hagseng, laemxsim okrengh, haenqrengh lailai hawj vunz rox hengz daihdauh cix dungx cang lajmbwn, aeu vwnzva gungganq bouxvunz, baijok gij cingsaenz canghgyauyuz Cungguek daegbied miz haenx.

Siz Ginbingz daegbied gangj daengz, byaij hwnj diuz roen moq

le, maqmuengh sou caeuq gyoengq lauxsae daengx guek dangq canghgyauyuz guh buengjiyiengh, hawj bouxboux lai rox lai haenh lai hengz gij cingsaenz canghgyauyuz, geiqmaenh simnduj sawjmingh coengh Dangj ganq vunz, bang guek ganq caiz, laebhwnj aen ceiqheiq hung "laemxsim son saw gyauq vunz ndei, gou ok faenh rengz hwnq guekak", gagsaenq gag'ak, haenqheiq buekguh, lai lai ok goengrengh guh hongsaeh hungmbwk hwnqguh guekak dauqhwngh minzcuz.

(daj Gvangjsih Yizbau aeu daeuj genj hoiz)

Aen Gunghcwnghz Nda Raemx Boiq Raemx Ceiq Hung Laeng Gvangjsih Haihong Lo

广西最大水资源配置工程开工

9 nyied 8 hauh, Aen Daihhoih Ciuhueh Vunz lai Hwnqguh Gunghcwnghz Nda Raemx Boiq Raemx Laeng Gvangjsih Dieg Heux Bwz-buvanh youq Bwzhaij Si Hozbuj Yen, Nanzningz Si Binhyangz Yen, Ginhcouh Si Lingzsanh Yen, Yilinz Si Fuzmenz Gih 4 dieg doengzseiz ciuhai. Seiq giz haihong neix gihgai baez yienj sing guhhong, couh dwg naeuz aen gunghcwnghz yinx raemx boiq raemx hungloet hamj lai ranghdieg, hamj lai ga dah laeng Gvangjsih neix caencingq hwnqguh lo.

Aen gunghcwnghz neix gungh miz 72 ndwen geizhong, liengh(guj) gungh roengz 280.41 ik maenz. Gij yinvu aen gunghcwnghz neix dwg gung raemxgwn raemxyungh hawj

ndawsingz lajmbanj laeng Nanzningz, Bwzhaij, Ginhcouh, Yilinz daengj si daeuz, gyaak gij bonjsaeh bauj gung raemx ancienz, caemhcai qauh'ok diuzgienh gaijndei dwkraemx nungzyez caeuq swnghdai vanzging raemx.

Aen gunghcwnghz neix gvihaeuj doengh aen vehsuenq guekgya baudaengz gij vehsuenq "Cibseiq Haj" caeuq gij moegbiu daeuz gyae daengz bi 2035, gij vehsuenq hwnqguh muengx-raemx guekgya, gij vehsuenq bauj raemx ancienz "Cibseiq Haj" guekgya daengj, dwg 150 aen gunghcwnghz suiqli hungloet youz Gozvuyen baijbouh hwnqguh ndawde aen ndeu.

(daj Gvangjsih Sinh-vwnzvangj aeu daeuj genj hoiz)



Lozcwnghz: Mbaet Makit Hag Dinfwnghz

罗城：采葡萄 学技艺

Duenh neix doiq fawh(seiz) makit baenzmak ndaej mbaet, haujlai hekyouz rox gij dinfwnghz gyoengqvunz dangdieg Lozcwnghz Mulaucuz Swciyen guh laeuj makit de mizyinx mizyungh cix baenzbang baenzgyoengq bae hagrox, bae sawqguh. Ndaw doz dwg gyoengq hekyouz youq aen yienh neix Siujcangzanh Cin giz guh laeuj makit ndeu angqvau sawqguh laeuj makit.

(Mungz Cwnghsw/蒙增师)